

IV

Stavljaju se van snage svi provedbeni i razvojni prostorno-planski akti koji su u suprotnosti sa odredbama ove odluke.

V

Svako, a posebno nadležni organi Republike Srpske, gradske i općinske službe suzdržat će se od poduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

VI

Ova odluka dostavit će se Vladi Republike Srpske, ministarstvu nadležnom za prostorno uređenje i nadležnoj službi zaštite naslijeđa na nivou Republike Srpske, općinskim organima uprave nadležnim za poslove urbanizma i katastra radi provedbe mjera utvrđenih u tač. II - V ove odluke i nadležnom općinskom sudu radi upisa u zemljišne knjige.

VII

Sastavni dio ove odluke je obrazloženje sa pratećom dokumentacijom, koje je dostupno na uvid zainteresiranim osobama u prostorijama i na web stranici Komisije (<http://www.aneks8komisija.com.ba>).

VIII

Prema članu V, stav 4. Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

IX

Ova odluka stupa na snagu danom donošenja i objavit će se u "Službenom glasniku BiH" i "Službenom glasniku Republike Srpske".

Ovu odluku Komisija je donijela u sljedećem sastavu: Zeynep Ahunbay, Amra Hadžimuhamedović, Dubravko Lovrenović, Ljiljana Ševo i Tina Wik.

Broj 06-6-556/03-3
6. maja 2003. godine
Sarajevo

Predsjedavajuća Komisije
Amra Hadžimuhamedović, s. r.

ISPRAVKE**ISPRAVKA**

KRIVIČNOG ZAKONA BOSNE I HERCEGOVINE na bosanskom jeziku, koji je proglasio Visoki predstavnik za Bosnu i Hercegovinu Odlukom br. 101/03 od 24. januara 2003. godine, objavljenog u "Službenom glasniku BiH", broj 3/03

U članu 1., stavu 3. umjesto "funkcionar" treba stajati "funkcioner".

U stavu 7. umjesto "i drugi funkcioner" treba stajati "ili drugo službeno lice".

U stavu 17. umjesto "organizirana grupa kriminalaca" treba stajati "zločinačka organizacija". U cijelom tekstu Zakona "organizirana grupa kriminalaca" u određenom padežu ispravlja se u "zločinačka organizacija" u odgovarajućem padežu.

U članu 25. stavu 3. umjesto "a može se i osloboditi od kazne" treba stajati "može se i osloboditi od kazne".

U članu 50. stavu 1. tački e) umjesto "propisana kazna zatvora od najviše jedne godine" treba stajati "kao najmanja mjera kazne propisana kazna zatvora do jedne godine".

U članu 72. stavu 5. umjesto "provjeravanj" treba stajati "provjeravanja".

U članu 78. stavu 2. umjesto "sud za maloljetnike" treba stajati "sudija za maloljetnike".

U članu 81., u drugoj rečenici umjesto "ubuduće ne učine" treba stajati "ubuduće ne učini".

U članu 85. stavu 1. umjesto "utječe na osobu" treba stajati "utiče na osobnost".

U članu 92. stavu 1. druga alineja umjesto "uučivanja" treba stajati "upučivanja".

U članu 93. stavu 1. prva alineja umjesto "odgopjne" treba stajati "odgojna".

U članu 145. stavu 1. sedmoj alineji umjesto "građanima" treba stajati "pojedincima".

U članu 151. stavu 1. umjesto "kaznit će se novčanom kaznom ili kaznom zatvora do tri godine" treba stajati "kaznit će se novčanom kaznom ili kaznom zatvora do jedne godine".

U članu 183. stavu 1. umjesto "vaspitanju" treba stajati "odgoju".

U članu 189. umjesto "kaznit će se novčanom kaznom ili kaznom zatvora do tri godine" treba stajati "kaznit će se kaznom zatvora od šest mjeseci do pet godina".

U članu 193. stavu 3. umjesto "krivilno" treba stajati "krivično".

U članu 194. stavu 1. šestoj alineji umjesto "bilo koji drugim" treba stajati "bilo kojim drugim".

U članu 217. stavu 3. umjesto "Kaznom iz stava 2. ovog člana" treba stajati "Kaznom iz stava 1. ovog člana".

Iza naslova "Stupanje na snagu ovog zakona" umjesto "Član 253." treba stajati "Član 252.".

21. oktobra 2003. godine

Edouard d'Aoust, s. r.

**ISPRAVKA**

ZAKONA O KRIVIČNOM POSTUPKU BOSNE I HERCEGOVINE na bosanskom jeziku, koji je proglasio Visoki predstavnik za Bosnu i Hercegovinu Odlukom br. 100/03 od 24. januara 2003. godine, objavljenog u "Službenom glasniku BiH", broj 3/03

U članu 72. stavu 3., drugu rečenicu "Tužitelj će dobiti podatke zapečeti dok ne bude izdata sudska potvrda." treba brisati.

U članu 231. stavu 3. brisati riječi "sudija za prethodni postupak,".

Naslov člana 242. treba glasiti: "Kažnjavanje zbog narušavanja reda" umjesto "Kažnjavanje zbog narušavanja reda i procesne discipline".

U članu 358. stavu 1., umjesto riječi "stava 2." treba stajati "stava 1."

21. oktobra 2003. godine

Edouard d' Aoust, s. r.